

1 TIMOTEO

1 Timoteodih jwí túi beh joyát pínah naáwát

¿Déhe tigaá daánciji? Pablo, Dios á jib bohéat tútuni nin núodih át daacáp wut jī. Pablo ded pah á jumatdih chah jéihíhna, Romanosdih jwí túi beh joyát pínah naáwátidih ñi enee.

¿Déhedih át daáncji? Timoteodih nin núodih Pablo át daacáp wut jī. Timoteo íp Griego, (judío nihcanni) á ñin judío wili Jesúsídh jéihnih wut jī. Pablo jwíh bejniji á jwáub bohé jibidih bejna, Timoteodih át ñumah jibip wut jī. (Hch 16.3) Pablo túttimah á jib bohénachah, Timoteodihbut át ñumah bohé jibip wut jī. Pablo Timoteodih búdí oinit, á teo wáacatdih búdí át weñep wut jī. Timoteobut nemat muúdh í nemnji í jwáub wātni át jumap wut jī. (He 13.23)

¿Dedmant, débólih cah, át daáncji? Chah jéihnit “Pablo Roma tútchiboó nemat muúboó á jwíh jumachah, caandíh í bacaat túttimah, (Hch 28 túttimah) Pablo bíic peihcanni jópchi Éfeso tútchidih moón Jesúsíhwādih át jwáub bohénap wut jī. Queétdih bohé cádahnit, Pablo Macedonia baácna á bejchah, Timoteo Éfeso tútchidih moónjeéh pánit, queétdih búdí át bohénap wut jī. (1.3) Pánihna, Timoteo Éfeso tútchiboó á jumachah, Pablo Macedonia baácboó jumnit, nin núodih át daac wahap wut jī. Jópchi 63—65 (Jesús á wunat túttimah 30—33 jópchi túttimah) át daacáp wut jī”, í níj jenah joiná caá.

¿Dedé pínah tigaá át daáncji? Timoteo Éfesodih moón Pablo á bohéat tútuni á jumachah, Jesúsíh doonádih yoobópdih í jenah joyát pínah níjñá, ded pah queétdih á bohéat pínahdih Pablo nin núodih át daac wahap wut jī. Mácah bohéatdih Timoteo á jéih yap yohat pínah, Jesúsíhwā í maátadih ded pah á ñíwatdih á jéihyat pínah, míc wáacnit ded pah í chājatdih á jéihyat pínahdihbut át daac wahap wut jī.

Ded pah 1 Timoteo á jumat:

1. Caandíh á túyat tútat (1.1-2)
2. Yee bohénitdih á joyáh bojat tútat (1.3-11)
3. Dios Pablodih búdí oinit, ded pah á teo wáacat (1.12-17)
4. Dépanihna Pablo Timoteodih nin núodih á daac wahat (1.18-20)
5. Ded pah Jesúsíhwā míc wáacnit í jumat (2.1—3.16)
 - a. Ded pah í úbát pínah (2.1-8)
 - b. Yaádh ded pah í chājat pínah (2.9-15)
 - c. Jesúsíhwādih waóhnit ded pah í jumat pínah (3.1-13)
 - d. Dépanih tigaá páant á wutat (3.14-16)
6. Ded pah yee bohénitdih Timoteo á chājat pínah (4.1-16)
7. Ded pah Jesúsíhwājíh Timoteo á chājat pínah (5.1—6.2)
 - a. Behnitdih, japatadih (5.1-2)
 - b. Éemp wunnit yaádhidih (5.3-16)
 - c. Jesúsíhwā waóhnitdih (5.17-25)
 - d. Teo wáhnitdih (6.1-2)
8. Bíh á bohéat tútat (6.3-10)
9. Timoteodihjeh á wutat (6.11-21a)
10. Timoteodih Dios á teo wáacat tútat (6.21b)

Timoteodih ã túyat tútat

1 ¹Weém, Pablo, meém Timoteodih* nin nêodih wã daác wahna caá. Jwí íp Dios jwítdih túi ubni, Jesúsjih áih túini doonádih í naáwát túatni wã jumna caá. Jwítdih Jesús ã pehbóo ã ub bejat pínahdih jéihna, jwí wêi páina caá. ²Timoteo, meemdih Jesúh doonádih weemjéh wã bohénachah joinít, Jesúsdih ma jwíh jepahachah, wã wáúh panihni ma jumna caá. Dios jwí íp, jwí Maáh Jesucristobut oi jígah ennit, í teo wáaca naáh, ma túi jummat pínah niijná.

Bitã í yee bohéatdih Timoteodih ã yoobáat tútat

³Macedonia baácboó jwí bej láa Éfeso tútchiboó juibínit, biquína Jesúh doonádih yee bohénitdih jwí joyóp jí. Páant í bohéatdih joinít, meemdih caán tútchidih wã cádahap jí, í yee naáwátidih ma cádahat tútat pínah niijná. ⁴Í nuowã jon játih moón í jenah joyátjidih páantjeh í bohénap jí. Ded pah í naáwátji, í wútnadibbut í bohénap jí. Queét pánih bohéna, míc íjanit, Dios jwítdih ã wútat pah í chájcáp jí. Í jéihyatjihjeh bohéna, Diosboodih í túi jenah joicáp jí.

⁵Páant í jumuchah enniji, meemdih chah wã wêp bohéat tútat jí, Jesúh wã bitadih í oyat pínah, Diosdih í túi jenah joyát pínah, dedé yéejat wihcan, yéejat peéh chájtadih í úmcat pínahbut niijná. ⁶Páant wã bohéatdih yohnit, oboh jum niboodih í míc wéhena caá. ⁷Moisés ã wútatjidih bohénit jumíhna yuhna, ded pah í bohéatdih queétjeh í beh joicán caá.

⁸Páant Moisés ã wútatjidih yoobópdih jwí bohénachah, túini wútat ã jumadidih jwí jéihna caá. ⁹⁻¹⁰“Caán wútatdih jepahnitdih jwúub bohéat caá náahap”, jwí níj jenah joicán caá. Obohjeéhtih, nin panih chájnitboodih bohéat caá náahap: Dios ã wútatdih yap yohnit, yeejép chájnit, í mánadih mao yohnit, bitadibbut mao yohnit í jumna caá. Yéej chájnit, neoná mícjeh, yaádh mícjehbut

yéej chájnit í jumna caá. Cáacwáidih ubnit, bitadidih teo wúhat pínah niijná, queétdih jíib cháj wúhnit í jumna caá. Yee naóhnit, túini bohéatdih yap yohnitbut í jumna caá. Pánih chájnitdih caá Dios naáwátidih bohéat náahap, í tútat nuumát pínah niijná. ¹¹Caán bohéat caá Jesúh doonádih Dios weemdih ã bohéat tútat jí.

Dios Pablodih ã oi jígah enat

¹²Weém yeejép wã chájachah yuhna, “Pablo wã naáwátidih ã túi bohébiapna caá”, níj jenah joinít, jwí Maáh Jesús weemdih ã níwip jí. Páant ã níwichah jéihna, “Túina caá”, caandih wã niijná caá. Páant ã níoni jumna, áih doonádih wã bohénachah, ã wêpatjih weemdih ã teo wáacna caá. ¹³Páant ã níwat pínah játih, Jesúsdih jéih jwuhcan, caandih yeejép wã wéhénachah, áih cáacwáidibbut yeejép wã chájachah yuhna,* caánboó weemdih ã níwip jí. Yeejép cháj jwuhna, “Yeejép chájna caá wã chájap”, wã níj jenah joicáp jí. Páant wã jéih jwuhcah enna, peéh chájcánjeh, weemdih át oi jígah enep jí. ¹⁴Pánihna, jwí Maáh Jesucristo weemdih búdi oinit, ã túi chájtadih jéihna, caandih wã jepahap jí. Pánih jepahni jumna, ã oyatjih bitadibbut búdi wã oina caá.

¹⁵Yeejép wã jwí jumuchah jéihnit, iiguípna jwí bejat déedih túi ubat tútat niijná, Jesucristo nin baácboó át dei júúwúp taji. Páant jwí naáwát yoobópdih ã jumadidih nihát í túi jéihye naáh. Weémboó bita chah yeejép wã jumap jí. ¹⁶Obohjeéhtih, páant yeejép chájni ma í jumuchah yuhna, Jesucristo weemdih peéh chájcán, át jígah enep jí. Pánih jígah enna, weemdih ã túi chájtadih jéihnit, bitabut caandih í jepahbiapna caá. Pánih jepahnit, Diosjeéh ã pehbóo páantjeh í jumbiapna caá.

¹⁷Dios páantjeh jumni nihát cáacwáidih chah maáh caá. Caán jwíjeéh ã jumuchah yuhna, caandih jwí en joicán caá. Caanjéh caá Dios. Bíh wihcan caá. Páant ã jumuchah jéihnit, jwítdih yeó jáap

* 1.1 Hch 16.1-3 * 1.13 Hch 8.3; 9.4-5

jumat pah caandíh wēi naáwát caá náahap. Páant tíi ā jumū nah.

¹⁸Timoteo, wā wūáh panihni ma jumuchah, nindih meemdíh wā wətna caá: Jiwiít Jesúh wā waáhnitboó meemdíh jwī teo jáha wúbh láa, Túini Espírítu ā jéihyanachah, meemdíh jwī naóh yapanap jī. Páant jwī naóh yapaatjidih túi náhninit, Jesúh doonádi h wēp naóh bohéni ma jumū. Bita meemdíh joicánjeh yeejép ī chājachah yuhna, caandíh ma bohé cádahca bojoó. ¹⁹Jesúsdi h túi jenah joí cádahcan, yeó jáap jumat pah caandíh ma túi wúbú. “Dedé yéej chājat jīb weemdíh ā wihcan níít”, níj jenah joyát túut níjná, mapí jumat pah, túinijeh ma jumū. Biquína páni h jumcan, Jesúsdih ítát cádahap tají. ²⁰Queét cádahnit poómpjeéh Himeneo, Alejandrojīh ī jumna caá. Páni hna, jáantjeh nemépwā ī maáhdih wáát wūhup jī, ded pah ā náahat pah queétdih ā chājat pínah níjná. Queét yeejép ī bohéátjidih cádahnit, ī jwúub túut nuumát pínah níjná, caandíh wā wūhup jī.

Jesúh wā míic wáacnit, ded pah ī wúbát

2 ¹Buu nin pah meemdíh jeh wā jwíih naóhna caá, bitadi hbut ma bohéat pínah níjná: Yeéb Jesúh wā míic wáacnit, nihat cáacwádi h ní wúbú, queébtut Jesúsdih ī jepahat pínah níjná. Páni h wúbhna, “Túina caá, Paá”, caandíh níj átbút ā náahna caá. ²Nihat maátadi hbut wúbát náahap, míic mawat wihcan, Dios ā náahat pah chājnit, íh cáacwā ī túi jumat pínah níjná. ³⁻⁴Nihat cáacwā iiguípná bejnit déedih túi ubat túut níjná, ā wúbúh túini doonádi h joinít ī jepahatdi h Dios ā náah yacna caá. Páant bitadi h jwī wúbúchah, búdí ā wéina caá. ⁵⁻⁶Bíicjeh tigaá Dios. Obohjeéhtih, jwiítboó yeejnit jumna, caán bíicdi h jwī jéih jumcan caá. Páant jwī jumuchah, nihat cáacwā úd jeñé Jesucristojeh jwī yéej chājat jīb át wun wūhup jī, Diosjeéh jwī túi jumat pínah níjná. Jesús ā wun

wūhatji doonádi h Dios ā nífo láa cáacwádi h át jéihya jwíhip jī. ⁷Jesús páant ā jumadi h wā naáwát pínah, judíowā nihcannitdi h túini doonádi h wā bohéat pínahbut níjná, weemdíh ā níwup jī. Yoobópdih meemdíh wā naóhna caá. Wā yeecan caá.*

Neoná, yaádh ded pah ī chājat

⁸Queét Jesúh wā muuná jumat yoobó míic wáacnit, bíicdi h wúbhna, neoná yéejat cádahnit jumna, téihya aabánit, ī wúbú naáh. Íjican, míic jéihñat wihcanjeh wúbh waáwát caá náahap. ⁹Yaádhboó túinijeh yégueh ī dawú naáh, bita ī en níinahcat pínah níjná. Təbit mácah jígo hni íh waó yoócna di h ī chājca bojo naáh. Bita ī wéi naáwát pínahdi h bidcanjeh, búdí jīb jumni iigní tōpná, yégueh chóonadi hbut ī đucóca bojo naáh.* ¹⁰Queét yaádh ī túi chāja naáh. Páni h chājna, bitaboó queétdih jenah joiná, ī túi jígo hatdi h jenah joicán, ded pah ī túi chājatboodí h ī jenah joibípná caá. Páant tigaá Dioi h wā yaádhdi h náahap. ¹¹Míic wáacna, lai hcanjeh, wéinit, bohéatdi h ī túi joyó naáh. ¹²⁻¹⁴Míic wáacnit, yaádh neonádi h bohécan, ī wətca bojo naáh. Lai hcan, túinijeh joí chūdnit yaádh ī jumū naáh.* Adándih Dios jwíih chājnit, caán túttimah, Evadi h át chājap wət jī, caandíh teo wáacni h mi jumat pínah níjná.* Caánt Adándih wətnih pínah mit nihcap wət jī. Nemép ā yeenachah joiní Adán nihcah, Ewaboó mit joyóp wət jī. Páant ā yeenachah joiná, Diosdi h mit yap yoh jwíhip wət jī.* ¹⁵Obohjeéhtih, yad wili Diosdi h mi yap yoh jwíhichah yuhna, yaádh ī wehdi h túi en daonít, Diosdi h túi jenah joí cádahcan, ájeéh ī túi jumbi pná caá. Diosdi h cáacwádi hbut oinít, ī túi chājachah, queétdih ā wéi enbi pná caá.

Jesúh wā ī maáta ded pah ī chājat

3 ¹Buu, Jesúh wā ī maátadi h ded pah ī níwat pínahdi h wā naóhbi pná caá. Ded queétdih waóhni jumíhni túini tewatdi h ā bidna caá. Caán yoobópdih

* 2.5-6 Mt 20.28; Mr 10.45; Gá 1.4; Tit 2.14 * 2.7 2Ti 1.11 * 2.9 1P 3.3
* 2.9-14 1Co 11.2-6; 14.34-35 * 2.12-14 Gn 2.7,21-22 * 2.12-14 Gn 3.1-6

tigaá. ²Jesúhwādhíh waóhñit pínahdih ñíona, yeejép dooná ā wihcat pínah niijná, nin pah jumnitdih í ñíwi naáh: Det bíic wilidihjeh bíbohñitdih, túi jenah jointí, túinijeh muúdhí waád jüúwát tútñit, túi naóh bohénitdih ñíwat caá náahap. ³Det máihcannitdih, míic maocannit, míic jüihcannit, dinero búdí bidcannit, cáacwādhíh túinijeh chājñitdih ñíwat caá náahap. ⁴Pánih ñíonit, í weha mána yaádhdih, í wehdihbut yeejép niijcánjeh túi wutnit í jümü naáh. ⁵Queétdih túi wutcan, Jesúhwādhíhbut íta túi wutcan tagaá. ⁶Jesúsdi h jáap jepahni Jesúhwādhíh waóhñi ā jumca bojo naáh. Jáap jepahnidih í waadánachah, “Weém chah jéihni caá”, āta niij jenah joi tágaá. Páant ā niij jenah joyóchah, Satanásdih ā peéh chājat pah muntih Dios caandíhbut āta peéh chāj tagaá. Satanás páant ā niij jenah joyátji jíib, Dios át peéh chājat wut jí. ⁷“Caán túi chājni caá”, Jesúsdi h jepahcannitboó í niijnídhíh maáh í waadána naáh. Pánih túi chājni jumna, nemép ā náahat pah ā chājchah, caandíh dedé yeejép dooná ā wihcan níit.*

Jesúhwādhíh teo wáacñit ded pah í chājat

⁸Jesúhwādhíh teo wáacñitjééh waadát tútñitdih ñíona, nin pah jumnitdih í ñíwi naáh: Túi jenah jointídhíh, í niiját pah chājñit, máihcannit, jéihcha dinerodih wábhccannitdihbut ñíwat caá náahap. ⁹Dedé peéh chājat wihcan, Dios naáwátdih túi jepahnitdihbut ñíwat caá náahap. ¹⁰Queét waadíhñit ded pah í chājatdih í jwiítíh ene naáh. Pánih enat túttimah, yeejép chājñit jumna, Jesúhwādhíh teo wáacñitjééh í jümü naáh. ¹¹Í weha mána yaádhbut nin pah í jümü naáh: Túinijeh jumnit, obohkeh dooná naóhcannit, túi jenah jointí, máihcannit, ded pah í niiját pah chājñit yaádh í jümü naáh. ¹²Jesúhwādhíh teo wáacñit pínahdih ñíona, nin pah jumnitdih í ñíwi naáh: Det bíic wilidihjeh bíbohñitdih, í weha mána yaádh, í weh, queétdih teo wáhñitdihbut túi wutnitdih í ñíwi naáh. ¹³Páant í ñíonitboó

Jesúhwādhíh í túi teo wáacachah, bita queétdih í túi wéi naóhbipna caá. Pánihna, túini doonádhíh, Jesucristodih í jepahatdihbut úmcanjeh bitadhíh í naóhbipna caá.

Dios naáwát ded pah ā jumat

¹⁴⁻¹⁵Butéhjeh ma pehbboó bejíhna caá wā chājat yuh caá. Obohjeéhtih, “Butéhjeh weém wāta bej wúhcan caá”, niijnít, nin nódoh meemdhíh wā daác wahna caá, queét Jesúhwā míic wáacñit, ded pah í jumat pínahdih ma jéihyat pínah niijná. Jwiít Jesúhwā Dios páantjeh jumñíhwā jwí jumna caá. Áihwā jumna, ā naáwát yooópdi h jumñidih jéihna, caandíh jwíí bohéna caá. ¹⁶Jon játih Jesucristoh túini doonádhíh jwí jéih jwúhcap jí. Páant jwí jéihcannidih buu Dios jwiítídhíh ā jéihyanap be. Nin pah caá ā jéihyaat:

Jwiít pahjeh Jesucristo át cáac jumap wut jí. Túini Espíritu caandíh búdí teo wáacñit, yeejat wihcanni ā jumadíh át jútup wut jí. Ángelwábut caandíh ít enep wut jí. Á bohéat tútñitboó nihat baácdih moondíh áih túini doonádhíh jwí bohénap jí. Páant jwí bohénachah, caán doonádhíh jointí, dawá caandíh í jepahap jí. “Nihat baácdih moondíh ñi bohéna”, ā niiját túttimah, jeáboó Dios caandíh át ub púh laab béjep wut jí. Caán naáwátdih jwiít nihat Jesúhwā jwí túi jéihna caá.

Ded pah yee bohéat ā jumat

4 ¹Túini Espíritu nin pah jwiítídhíh ā jéihyana caá: Jesús ā jwúub dei jüúwát pínah játih, biquína áih túini doonádhíh jointíjeh caandíh cádahñit, nemépwa í yeeatdih í joibipna caá. ²Pánih jointí, bitadhíh í yee naáwáchah, queétdih í jepahbipna caá. Pánih yee naóhñit, yeejép chājna yuhna, “Weemdhíh yeejat wihcan caá”, í niij jenah joibipna yuh caá. ³Nin pah í niij bohébipna caá: “Ñi áa jumca bojoó. Jwí jeémát tútñitcanni jeémátídhíh ñi jeémca bojoó”, í niij wutbipna caá. Queét páant í jeémát

* 3.2-7 Tit 1.6-9

tútcach yuhna, Diosboó jwí jeémát pínahdih wühna, nihatdih ä jeémát tútcna caá. Jeémátidih bíbohna, caandih “Túina caá, Paá”, niiját caá náahap. ⁴Nihat Dios ä chäjni túini caá.” Pánihna, ä wühni jeémátidih ubna, caandih “Túina caá, Paá”, niijná, yohcanjeh, túi wēi jeémát caá náahap. Bitá i jeémát tútcach, queétdih ni joyáh bojoó. ⁵“Nihat wā wühni jeémát ä túina caá”, Dios ä niijátidih náhninit, “Nin jeémát ma wūhat túina caá, Paá”, niijnít, ä wühni jeémátidih wēi jeémát caá náahap.

Jesúfhwādih teo wáacnit ded pah i jumat

⁶Páant wā naáwátidih Jesúfhwādih bohéna, meém, Timoteo, caandih túi teo wühni ma jumbipna caá. Jesucristofh doonádih túi joinji jumna, Dios naáwátidihbut túi jepahni ma jumna caá.

⁷Diosdih jéihcannit i jenah joyátjihjeh i bohénachah joyáh bojnit, Dios ä weñat pínahboodíjhjeh chäjat caá náahap. ⁸Ded äih bácahdih ä wēpanachah, ä túina caá. Obohjeéhtih, äih bácahdihjeh nihcan, äih caolihdih ä wēpanachah, chah ä túina caá. Pánih caolihdih wēpana, nin baácboó túi jum, ä wunat túttimah, jwúb boo pud jüóhnit, Dios pehbboobát ä túi jumbipna caá. ⁹Caán yooópóidih tigaá. Pánihna, nihat cáacwādih caán naáwátidih jepahat caá náahap. ¹⁰Yeejép yapna yuhna, búdí jwí teona caá, nihat Diosdih i jepahat pínah niijná. Caán páantjeh jumni, nihat iiguípná bejnit déedih túi ubni jumna, caandih jepahnitdihjeh ä túi ubbipna caá. Páant ä túi ubat pínahdih jéihnit, jwí wēi páina caá.

¹¹Páant wā niijátidih bohéna, Jesúfhwādih ma túi wutú.

¹²Obohjeéhtih, jáap ma jumuchah ennit, biquína meemdih ita joyáh boj tagaá. Páant i joyáh bojcat pínah niijná, nin pah queétdih ma chäj jútú: Bitadih oina, túinijeh naóhnit, túi chäjnit, Jesúsdihi ma túi jenah jói cádahca bojoó. Páant ma chäjachah ennit, jáap ma jumuchah yuhna, meemdih i joyáh bojcan níit.

Páant ma túi jumuchah, queét meemdih i en yacipna caá. ¹³Pánihna, ma pebhna wā juibíat pínah játih, Dios naáwátidih en naóhnit, Jesúfhwādih ma túi beh joyána. ¹⁴Jesúfhwā i maáta meemdih teo jáha úubhnit, Túini Espiritu ä niijátidih i naóh yapaatjidih ma túi náhninaá. Páant i teo jáha úubúchah, Dios meemdih äih wēpat ä wūhatjidih náhninit, úumcanjeh ma túi wēp bohénaá.

¹⁵Páant wā niijátidih ma túi náhninaá, yeó jáap jumat pah Dios naáwátidih chah ma túi bohéatdih nihat i enat pínah niijná. ¹⁶Meemjéh ma túi eneé, ded pah ma chäjatdih, ded pah ma bohéatdihbut. Yeó jáap jumat pah páant míic ma chājaá. Pánih chājna, meemjéh, ma bohénitdihbut iiguípná bejnit déejidih ma túi ubbipna caá.

Bitá Jesúfhwādih ded pah teo wáacat

5 ¹Buu bainí meemdih wā jwúb naáwíhna caá, ded pah Jesúfhwādih ma teo wáacat pínah niijná. Behnitboó i yéej chäjachah, jüihcan túinijeh naáwát caá náahap. Ma ípdih ma naáwát pah, behnitdihbut túinijeh ma naáwá, i túit nuumát pínah niijná. Ma úudwādih ma naáwát pah japatadihbut túinijeh ma naáwá, queétdih i túit nuumát pínah niijná. ²Ma índih ma naáwát pah, behnit yaáhdihbut túinijeh ma naáwá. Ma déewá yaáhdihbut ma naáwát pah, jüihcan, japata yaáhdihbut túinijeh ma naáwá, i túit nuumát pínah niijná.

³Buu éemp wunnit yaáhdihbut ded pah ma teo wáacat pínahdih wā naóhbipna caá. Dedh déewá wihcannih éemp wunnidih teo wáacat caá náahap. ⁴Obohjeéhtih, éemp wunnih mi weh jumna, mi juimená jumna, queétdih i teo wáaca naáh. Pánih teo wáacna, Dios ä wutut pah i chájna caá. Queétdih mi en dawátjeh pah, queétdih i jwúb en dawá naáh. Páant i chäjachah enna, Dios ä túi wēina caá. ⁵Biíh wili éemp wunnih, déewá wihcannih jumna, Dios ä teo wáacatdih mi páina caá. Pánih jumna, yeó jáap jumat pah

* 4.4 Gn 1.31

Diosdih mi wúbhna caá. Páant mi jumatdih ennit, caántdih ñi teo wáaca. ⁶Obohjeéhtih, bíih wili éemp wunnihboó mi weñat pínahdihjeh jenah joinit, Jesúsdi h jepahcan, iiguúpna mi bejbipna caá. Páant mi jumuchah ennit, caántdih ñi teo wáacca bojoó. ⁷Nin butéh wá wutadti h Jesúfhwádihbut ma jwúb naóh yapanaá, i tái chájat pínah niijná. Páant i chájachah ennit, “i tái chájcan caá”, bita queétdih i jéih niijcán niit. ⁸Ded á déewádih tái en daocánni, á wehdih i iindihbut en daocánni “Weém Jesúfh caá”, niijná yuhna, á naáwátidih á yap yohna caá. Pánih jumna, Jesúsdi h jepahcannitdih chah yeejép á chájna caá.

⁹Dedh éemp wunnih Jesúfhwádih teo wáacnitjeéh mi waádihchah, sesenta jópchi chah bíbohni h, bícdihjeh áa jumnihjidih ñi waadánaá. ¹⁰“Caánt táinijeh chájnih caá”, i niijnáhdih, mi wehdih tái behani h, miíh muúboó bitadih tái waád jüúwát tútunih, Jesúfhwádih teo wáacnih, yeejép yapnitdihbut teo wáacnih, táinijeh chájnihdih ñi waadánaá. Queét teo wáacnit pínah yaáhdih ñio péanit, íih wútnadi h ñi daacaá.

¹¹⁻¹²Obohjeéhtih, éemp wunnit yaádh jáarpwá yaádh buég i jumuchah, íih wútnadi h ma daacca bojoó. “Míihwádih teo wáacnih pínahjeh wá jumtipna caá”, Cristodih niijná yaádh jumna yuhna, táttimah newédi h jwúb bidna, ita jwúb áa jum tagaá. Pánih chájnit, i naáwátji bíc yoobó i péacah, queét yaáhdih peéh chájat áta jum tagaá ¹³Pánih chájna, nin pahbut ita cháj tagaá. Teocannit yaádh, muná yoobó táoh yee we naóhni t, bita i tewatdih en naóhni t, yeejép wehenitbut ita jum tagaá. ¹⁴Pánihna, queét yaádh jwúb áa jumni t, i weh jum naá h. I weha mana, i wehdihbut i tái en dawá naá h. Páant i chájachah, jwiít Jesúfhwádih enihcannit “Queét yaádh yeejép chájna caá”, i jéih niijcán niit. ¹⁵Buú biquína éemp wunnit yaádh Jesucristodih cádahni t, Satanás á náahatboodí h i chájna caá. Pánihna, bita

yaádh páant i chájcat pínah niijná, meemdí h wá naóhna caá.

¹⁶Det Jesúfhwá i dée wili éemp wunnih mi jumuchah, queétoó caántdih i teo wáaca naá h. Páant i teo wáacachah, bita éemp wunnit, déewá wihcannit yaádhboodí h Jesúfhwá i jéih teo wáacca caá.

¹⁷Buú Jesúfhwá i maátadi h ded pah i chájat pínahdi h meemdí h wá naóhbi pna caá. I maata queétdih i tái en dawát jíb, weñit i jíb chája naá h. Biquína i maata, Dios naáwátidih bohénitbut i jumuchah, bita maátadi h i jíb chájat chah, queét bohénitboodí h i jíb chája naá h. ¹⁸Dios naáwátidih daácní nin pah á niij daacátjidih náhniat caá náahap: “Momo jiwíwá trigodih i caóh chuñuchah, queétdih ñi jac chéoca bojoó, i tái jeemát pínah niijná”, á t niij daacáp tají. * Páant á daacátji pah muntih, bíhboó “Teonidih á tewatji jíb, jíb chájat caá náahap”, á t niij daacáp tají. * Páant i niijátjidih náhni t, Jesúfhwá i maátadi h weñit, queétdih i tái jíb chája naá h.

¹⁹Jesúfhwá maátadi h bífcjeh yeejép dooná naóhni di h joyáh bojat caá náahap. Obohjeéhtih, chénewá, bíc peihcannit bíc yoobó i niijchah, caandí h i naóh yacat yoobódi h á jumna caá. *

²⁰Pánihna, á yéj chájatdi h á cádahfchah ennit, ñi míc wáacapoó caandí h ñi jéihñuú. Páant ñi jéihñuchah joinit, bitabut bíc yoobó yeejép i chájcan niit.

²¹Dios, Jesucristo, á ñfonit ángelwábut i enechah, nin pah meemdí h wá wútna caá: Butéh wá naáwát pah ma tái chájaá. Pánih chájni jumna, bícdih chah teo wáacnit, bífdih nump ma teo wáacca bojoó. Nihat Jesúfhwádih bíc yoobó ma chájaá.

²²Det Jesúfhwá i maáh waádihnitdih ma teo jáha wúbát pínah játi h, yóhancanjeh, ded pah i chájatdi h ma tái en mun jwúbñuú. Páant tái en jwuhcanejeh ma níwichah, queét yeejép chájni t ita jum tagaá. Páant yeejép i chájachah ennit, maátajeéh queétdih ma waadáca bojoó. Yeejép chájnitdih waadána ni hna, “Queét tái chájni t caá”, niijni pah mata

* 5.18 Dt 25.4 * 5.18 Mt 10.10; Lc 10.7 * 5.19 Dt 17.6; 19.5

jum tagaá. Meémboó yéejat wihcanni ma jumúú.

²³Buu meemdíh jwuh bainí wā naóhbična caá. Mahdihjeh ma babhna caá. Pánih babhna, wudah túbat, bífh wunatbut meemdíh dawá láa ā jumna caá. Pánihna, jiwá iguíf macdihbut bainíbit babhbat caá meemdíh náahap, míh báciah ā tui jumat pínah niijná.

²⁴Maátadih ní bidatdih jwúub jenah joinít, nin pah wā niíf naóhna caá: Biquí láana det í yéej chājachah, nihát jwí jéihna caá. Dios queétdih ā peéh chājat pínahdihbut jwí jéihna caá. Pánihnit maáta í jumíhichah yuhna, queétdih ní waadáca bojoó. Obohjeéhtih, bitaboó í yéej chājatdih jwí jéih jwuhcan caá. Pánih jéih jwuhcan yuhna, tui en nūunnít, yeejép í chājachah, jwí jéihbična caá. ²⁵Caan páh muntih biquína í tui chājachah, nihát jwí jéihna caá. Bitaboó í tui chājatdih jéih jwuhcan yuhna, túttimah jwí jéihbična caá. Túiniboodíh ded pah jwí jéih bihcan caá.

6 ¹Buu teo wūhnit ded pah í chājat pínahdih wā naóhbična caá. Queét Jesúhwā jumna, í maátadih í tui teo wūhu naáh. Páant í chājachah ennít, Jesúsdi h jepahnit í jumuchah jéihna, bitaboó Diosdih, jwí bohéatdihbut ded pah í jéih yeejép naóhcan níft. ²Í maáta Jesúhwā í jumuchah, queét teo wūhnitbut Jesúhwā jumna, í maátadih íta tui wēi jepahcan tagaá. Obohjeéhtih, páant í chājachah, ā túican caá. Queétdih í tui teo wūhu naáh. Pánih teo wūhna, í déewá paníhntidih teo wáacna caá í chājar. Í maátadih oina, Jesúsdi h jéihcannitdih í teo wūhat chah, í tui wēi jepaha naáh. Páant wā wútatdih queétdih ma jwúub naóh yapanaá.

Ded pah Diosjeéh tui jumát

³Buu jwí bohéatdih mácac naóhntidih ded pah ní chājat pínahdih wā naóhbična caá. Det mácac bohéna, jwí Maáh Jesucristoíh táini doonádi h náahcan, Dios naáwátidihbut í tui bohécan caá. ⁴“Weém jéih beedáni caá”, niijná yuhna, í tui jéihcan caá. Íijnit pah míc wéhena, míc

jūihñat túttnit, í míc eníhcan caá. Bitadi h yeejép dooná í niijátj jūib, queétdih í wēi encan caá. ⁵Yeejép jenah joiná, bitajeéh jéih jumcan, míc jūihnitjeh í jumna caá. “Dios naáwátidih bohéna, bádí dinerodih jwí bíbohbična caá”, í niij jenah joiná yuh caá. ⁶Obohjeéhtih, bainí bíbohátjih wēina, Diosdih jepahna, tui jumát caá náahap. ⁷Jwí jwíih cáac jumna, dedé bíf déedih jwít ub jūóhcap jī. Būadná, bíf déedih jwí jéih ub bejan níft. Pánihna, jwí bíbohát pah bóojeh weñat caá náahap. ⁸Jwí jeémátidih, jwíih yéguehdihbut jwúub chah náahcanjeh, weñat caá náahap. ⁹Dawá bíf déedih bidna, nemépboó ā yéej chājat tútutuchah, nihát yeejépdih chājnít caá íta jumup. Queét dawá láa jenah joicánjeh, yeejép chājatdih cádahcan, queétdjeh tigaá yeejép í yapbična caá. Pánih cádahcan, iiguipna í bejbična caá. ¹⁰Det dinerodih búdí bidna, dedé yeejép í chājna caá. Biquína pánih bidnitboó Jesúsdi h cádahnit, búdí jīgahna, túbit í moh yéejna caá.*

Timoteodihjeh ā naáwát

¹¹Obohjeéhtih, meémboó Dioíh jumna, yeejép í chājatdih ennít, “Bífc yoobó weembút wā chājan níft”, niijnít, bíaboó ma jwei béjéé. Túiniboodíh jeh ma chājaá. Ded pah Dios meemdíh í wúttuchah, caandíh jeh ma jepahaá. Jesúsdi h ma tui jenah joyoó. Bitadi h ma oyoó. Yeejép yapna yuhna, Jesúsdi h ma cádahca bojoó. Bitadi h túinijeh ma numah jumúú. ¹²Jeáboó ájeéh jumni pínahdi h Dios meemdíh át níwip jī. Meemdíh í daabánachah, Jesúsdi h ma jepahatdi h dawá cáacwádi h ma tui naáwáp jī. Pánihna, yeejép yapna yuhna, caandíh ma jepah cádahca bojoó, jeáboó jūibínit, páantjeh ma jumát tút niijná. ¹³Diosboó nihatdi h át chājar wú jī. Jesucristoboó Poncio Pilatodih ded pah ā jumati di h tui yoobópdih át naáwáp wú jī.* Dios, Jesucristojí h í enechah, nin pah meemdíh wā wép naóhna caá: ¹⁴Páant meemdíh wā wútatdih ma tui jepahaá. Jwí Maáh Jesucristo á jwúub dei jūúwát pínah játih,

* 6.7 Job 1.21; Sal 49.17; Ec 5.15 * 6.6-10 He 13.5 * 6.13 Jn 18.37

ã wutã pahjeh ma chãjaá, cáacwã meemdíh í naóh yacat pínah niijná. ¹⁵Ã náahni yeó jáapdihjeh Dios ã wũúhdih ã jwúub wah deyabipna caá. Dios túini, caanjéh tigaá nihat cáacwã í maáh. Nihat cáacwã í maáta chah maáh caá ã jumup.

¹⁶Caanjéh tigaá páantjeh jumni, yeh iigátjĩh ã jumna caá. Páant ã jumuchah, jwiít cáacwã ã yeh iiguípna jéih bejcan, caandíh jwĩ en juicáp jĩ.* Bũ láabut caandíh jwĩ en juicán caá. Caánboodíh jwĩ weñat dée caá. “Meém chah wěpni caá”, caandíh jwĩ niij jĩh. Páant tíí ã jum nah.

¹⁷Dawá bíí dée bíbohñitdih nin pah ma wutúú: “Weemdíh dedé jũhdãt wihcan caá”, í niij jenah joicá bojo naáh. Íih bíí déedih bũdní pínahjeh ã jumuchah, caandíh í túi jenah joicá bojo naáh. Dios nihat jwĩ náahãdih ã wũhuchah jéihnit, caánboodíhjeh í túi jenah joyó naáh.

¹⁸Pánihna, túinidih chãjnit, bitadih íih bíí déedih wũhna, túi teo wáacnit í jum naáh. ¹⁹Páant í chãjachah enna, Dios pebhna í juibínachah, queétdihbũt ã túi chãj jwũbanachah, caánboó páantjeh í túi jumnipna caá.

Pablo Timoteodih ã pée naáwát

²⁰Timoteo, Dios meemdíh ã naáwát túutnidih ma túi bohénaá. Ma quíib bũdcá bojoó. Biquínaboó Diosdih jéihcannit, jenah joicánnit pah í wéhena caá. Bitaboó yee naóhna, “Wã bohéat túi jéihnit í bohéat caá”, í niijná yah caá. Páant í niij naáwáchah, ma joyáh bojoó. ²¹Biquína páant í niij naáwáchah joinít, Jesúsdiñ it cádahap wut jĩ.

Dios meemdíh búdí oinit, ã teo wáaca naáh.

Páant bóojeh tigaá.

Pablo

* 6.16 Sal 104.2